



basic education

Department:  
Basic Education  
REPUBLIC OF SOUTH AFRICA

LEARNER NUMBER

DITEKO TSA NAHA TSA SELEMO LE SELEMO TSA 2010  
KEREITI 3 LITERESI – SESOTHO

FANE	BONG (TSHWAYA <input checked="" type="checkbox"/> )	MOSHANYANA	NGWANANA
MABITSO	POROFENSI		
LETSATSI LA TLHAHO			
LEBITSO LA SEKOLO	SETEREKE/		
NOMORO YA EMIS	REJENE		

Ditaelo ho barutwana:

1. Bala ditaelo kaofela ka hloko.
2. Arabela dipotso kaofela dibakeng tse filweng.
3. Teko ena e lekanyeditswe metsotso e 45.
4. Titjhere o tla o etsetsa mehlala ya hore o arabe jwang pele o qala ka teko.

## MEHLALA

### Mohlala 1

Etsa sedikadikwe tlhakung ya karabo e nepahetseng.

Kgomo e re neha ...

- a. tjhisi.
- b. botoro.
- ☒ c. lebese.
- d. aeseckhirime.

O nepile haeba o **entse sedikadikwe ho c.** jwale ka hodimo mona.

### Mohlala 2

Tshwaya ☒ lentswe le nepahetseng lebokosong.

Letsatsi le tjhaba	borwa.	bophirima.	leboya.	botjhabela.✓
--------------------	--------	------------	---------	--------------

O nepile haeba o **tshwaile** lebokosong jwale ka hodimo mona.



### Mohlala 3

**Dipolelo tse latelang di re jwetsa ka moo o ka etsang kopi ya tee ka teng.**

Ngola dinomoro 1, 2 kapa 3 mabokosong ho bontsha tatellano e nepahetseng ya dipolelo tsa ka moo “Ke etsang kopi ya tee” ka teng.

a)	Ke tshela metsi a belang ka koping.	3
b)	Ke beha metsi ka ketlele ho a bedisa.	1
c)	Ke kenya mokotlana wa tee ka koping.	2

O nepeile haeba o **ngotse dinomoro** mabokosong ho bapa le dipolelo jwale ka hodimo mona.

#### **Hlokomela:**

- O tlile ho araba dipotso tse ding tekong ena tse tshwanang le tse ka hodimo.
- Leka ka hohle ho araba dipotso kaofela le ha o sena bonnete ba karabo.
- Ngola karabo eo o nahanang hore e nepahetse mme o tswela pele jwalo o ye potsong e latelang.
- Ha o qeta leqepheng ka leng, tswela pele o ye ho le latelang.
- Sheba feela bukaneng ya hao.

**Teko e qala leqepheng le latelang.**

## **Bala pale ebe o araba dipotso tse latelang.**

Ke letsatsi la pele la Linda sekolong. O thabile haholo empa hape o tshohile. Barutwana kaofela ba ka holong, mosuwehlooho o amohela barutwana ba batjha. Ka lehlohonolo motswalle wa Linda, e leng Pulane, le yena o motjha. Barutwana bohle ba batjha ba sala morao ha ba bang ba ya diphaposing. Mosuwetsana a nka barutwana ba batjha a ba isa phaposing moo a fihlileng a ba jwetsa hore ba dule fatshe.

Linda o dutse pela Pulane ya tswang motseng o le mong le yena. Hona ho etsa hore Linda a ikutlwe a phutholohile. Ho na le ditshwantsho le ditjhate tse ngata leboteng. Ntjanyana ya Pulane e leng Sibi, e mo setse morao ho ya sekolong. O leka ka thata ho e pata. Sena se tshositse Linda hobane o nahana hore mosuwetsana o tla ba lelekela hae kaofela. Empa bashanyana ba thabetse ho bapala le Sibi. Ba bitsa ntjanyana, mme jwale ho ba thata hore Pulane a e pate.

Ka hobane ke letsatsi la pele la sekolo, mosuwetsana ha a ba kgalemele haholo. O bolella Pulane hore a behe ntjanyana fatshe le hore a tle ka pele ho tla ba qoqela ka yona – hore na o e fumane kae le hore o e hlokomela jwang. Pulane o rata ntjanyana ya hae haholo hoo a ratang ho bua ka yona. Linda o thabile. Ha a sa tshohile jwale hobane o lemoha hore mosuwetsana o mosa.

### **1. Motswalle wa Linda e moholo ke mang?**

---

**2. Etsa sedikadikwe tlhakung ya karabo e nepahetseng.**

Pale ena e bua ka ...

- a. Linda le mme wa hae.
- b. Pulane le mme wa hae.
- c. Letsatsi la pele la Linda sekolong.
- d. Pulane le katsenyana.

**3. Ngola lentswe le le leng ho tswa paleng le nang le moelelo o tshwanang le:**

**3.1** tshaba \_\_\_\_\_ (seratswana sa 1)

**3.2** jwetsa \_\_\_\_\_ (seratswana sa bo-3)

**4.1 Etsa sedikadikwe tlhakung ya karabo e nepahetseng.**

Kgetha lentswe ho tswa paleng le re bolellang ho ho ngata ka mosuwetsana.

- a. motle
- b. bohlaswa
- c. mosa
- d. bohlale

**4.2 Fana ka lebaka la karabo ya hao.**

---

---

5. Tshwaya ☒ lebokoso la karabo e nepahetseng.  
Ke mang ya neng a leka ho pata ntjanyana?

Bashanyana

Pulane

Linda

Mosuwetsana

6. Ngola polelo e latelang o qale ka lentswe le filweng.

Linda o a thaba.

**Maobane**

---

7. Ngola polelo e latelang o qale ka lentswe le filweng.

Ntjanyana e balehetse sekolong.

**Hona jwale**

---

8. Ngola polelo e latelang o qale ka lentswe le filweng.

Mosuwetsana o bua le bana.

**Hosane**

---

9. Ngola dipolelo tse latelang o sebedise matshwao a ho bala a nepahetseng.

- 9.1 re na le ditjhate le dibuka phaposing ya rona

---

---

- 9.2 letsatsi la tswalo la phenyo le neng

---

**10. Ngola bongata ba mantswe a sehelletsweng mola:**

**10.1** Dipuo o dumedisa mosuwetsana. \_\_\_\_\_

**10.2** Pulane o rata ntjanyana. \_\_\_\_\_

**10.3** Mosuwetsana o rata ngwana. \_\_\_\_\_

**11. Dipolelo tse latelang di re bolella ka tseo Pulane a di etsang hoseng ha a ya sekolong.**

Tlatsa dinomoro 1, 2, 3 kapa 4 mabokosong ho bontsha tatellano e nepahetseng ya tseo Pulane a di etsang.

a) Pulane o kopana le metswalle ya hae tseleng. 

--

b) Pulane o a tsoha mme o theoha betheng. 

--

c) Jwale o loketse ho ya sekolong. 

--

d) O a itlhatswa mme a apare. 

--

12. Ngola dipolelo tse hlano ka moo o sebedisang nako ya hao ya kgefutso sekolong. Sebedisa matshwao a ho bala a nepahetseng.

---

---

---

---

---

---

---

---

---

---

13. Bala lenaneo le latelang mme o arabe dipotso 13.1 – 13.3.

Lenaneo la Mosebetsi wa ma-Kereiti 3		
Lebitso	Mantaha	Labobedi
Mpho	Nwesetsa dijalo	Fielafatshe
Linda	Fielafatshe	Hlwekisa phaposi
Mimi	Hlwekisa phaposi	Hlakola ditulo
Puleng	Hlakola ditulo	Kwala difensetere
Modise	Kwala difensetere	Nwesetsa dijalo

- 13.1 Ke mang ya tlamehang ho nwesetsa dijalo ka Labobedi?

---

- 13.2 Ke mang ya tlamehang ho hlakola ditulo ka Mantaha?


---

- 13.3 Mimi o tlameha ho etsa eng ka Mantaha?

---



Sheba setshwantsho sena mme o arabe dipotso 14 le 15.



14. Qetella polelo ena ka ho sebedisa mantswe a sa feteng a ma-3.

Setshwantsho sena se mabapi le ...

---

15. Ngola dintho tse pedi tse fapanyang lehlabula le mariha.
- 
- 

**Re fella mona!  
Re a leboha**